



KANTONALNO JAVNO KOMUNALNO PREDUZEĆE
"VODOVOD I KANALIZACIJA" d.o.o. SARAJEVO

PREDUZEĆE ZA PROIZVODNJU I DISTRIBUCIJU VODE, ODVOĐENJE I PREČIŠĆAVANJE OTPADNIH VODA
Por. br.: 01841358, Mat. br.: 20187646, Općinski sud u Sarajevu, rješenje broj: 065-0-Reg-21-005229
Sjedište: ul. Jaroslava Čermija br. 8, tel: 033 237-655, 033 447-741; fax: 033 440-658, www.viksa.ba
Pogon Vodovod tel: 033 532-430, Pogon Kanalizacija tel: 033 668-260 PDV-IB: 200151950004, ID: 4200151950004

Sarajevo, 20.11.2023. godine

Na osnovu člana 112. stav (1) Zakona o radu ("Službene novine Federacije BiH" br. 26/16, 89/18, 23/20 - odluka US, 49/21 - dr. zakon, 103/21 - dr. zakon i 44/22), člana 47. Statuta KJKP "Vodovod i kanalizacija" d.o.o. Sarajevo br. 2317/22 i člana 126. Pravilnika o radu KJKP "Vodovod i kanalizacija" d.o.o. Sarajevo br. 2810/22 i 6R-06/22, odlučujući o zahtjevu [redacted] od 10.11.2023. godine, donosim:

RJEŠENJE

I - [redacted] radniku KJKP "VIK" d.o.o. Sarajevo, odobrava se jednokratna novčana pomoć zbog teže bolesti člana uže porodice (majka) radnika u ukupnom iznosu od 3.798,00 KM.

II - Nalaže se Službi za računovodstvo i finansije da jednokratnu novčanu pomoć iz stava I ovog rješenja uplati na transakcijski račun radnika.

Obrazloženje

Dana 10.11.2023. godine radnik se obratio se zahtjevom za isplatu jednokratne novčane pomoći za slučaj teže bolesti člana uže porodice (majka) radnika [redacted] uz koji je je kao dokaz o bolesti priložio Otpusno pismo Klinike za plućne bolesti od 26.10.2023. godine, i potvrda JZU Univerzitetskog kliničkog Centra Tuzla od 09.11.2023. godine.

Zahtjev je osnovan iz razloga kako slijedi:

Odredbom člana 96. stav (3) i (4) Pravilnika o radu KJKP "VIK" d.o.o. Sarajevo br. 2810/22 i 6R-06/22 (u daljem tekstu: Pravilnik) određeno je da u slučaju dijagnosticiranja teže bolesti radnika ili člana njegove uže porodice, radnik ima pravo na jednokratnu novčanu pomoć u visini tri prosječne neto plate isplaćene u Federaciji BiH prema zadnjem objavljenom statističkom podatku Federalnog zavoda za statistiku, i to u slučaju sljedećih bolesti: akutna tuberkuloza, maligna oboljenja, endemska nefropatija, hiruška intervencija na srcu i mozgu, sve vrste degenerativnih oboljenja centralnog nervnog sistema, infarkt srčani i moždani, oboljenje mišićnog sistema i paraliza.

Uvidom u navedenu medicinsku dokumentaciju poslodavac je utvrdio da je članu uže porodice radnika tj. majci [redacted] dijagnosticirano maligno oboljenje-karcinom pluća, pa je radnik na osnovu člana 96. Pravilnika ostvario pravo na jednokratnu novčanu pomoć u visini od 3.798,00 KM što predstavlja iznos od tri prosječne neto plate isplaćene u Federaciji BiH prema zadnjem objavljenom statističkom podatku Federalnog zavoda za statistiku.

Slijedom svega naprijed iznesenog odlučeno je kao u dispozitivu.